



ШЫН

1925 чылдың
август 31-де
үнүп эгелээн

№ 30
(16641)

2003 чылдың
МАРТ 20,
четверг

Ат салган шагы 17.00
Садар өртээ 3 рубль.

НИИТИЛЕЛ-ПОЛИТИКТИГ СОЛУН

ТР-ниң Чазаанда

ЧОННУН САНЫ НЕМЕШКЕН

Тыва Республиканың Чазааның март 18-те болуп эрткен ээлчеглиг хуралыга республиканың социал-экономиктиг хөгжүдүзүңге ужур-дузалыг он сес айтырыгны чугаалашкаш, чогуур доктаалдарны хүлээп алган.

• Республиканың политиктиг, экономиктиг, социал амдыралыга улуг салдарны чедирер эңне кол айтырыгның бирээзи "Чер дугайында" Тыва Республиканың хоойлузунун төлевилелин хуралга сайгарып көргөн. Ону Россия Федерациязының Чер кодекзинге, федералдыг хоойлуларга, Тываның онзагай байдалдарыга дүүштүр ажылдап кылган. Ол сес эгеден, 18 чүүлден тургустунган. Чазак кежигүннери бо чугула хоойлу төлевилелинге хамаарыштыр чүве чугаалаш, ону амдаа хынамчалыг ажылдап кылырын саналдааннар. Кожууннарга чедип, ында чер ажылдакчыларының, хамаатыларның сүмелерин алырын база чугулага көргөн. Төлевилелди бирги номчулгада хүлээп алган.

• "2002 чылда Тыва Республиканың чурттакчы чонунун кадыының байдалының дугайында" Күрүне илеткелин бадылаар дугайында айтырыгны чугаалашкан.

2002 чылда эмнелге албан черлеринин материал-техниктиг баазыын быжыглаар, эмнээринин арга-методун чаартып сайзыраңгайжыдар талазы-биле тодаргай хемчеглер алдынган. Бюджетте көрдүнгөн акшакөпөөктү бээрин экижиткен. Моон түңнелинде республиканың чурттакчы чонунун кадыын

быжыглаарынче угланган хемчеглер чогуумчалыг боттанып турарын демдеглээн. Чоннун чайгаар өзүлдөзи камгалаттынп арткан, бир муң чурттакчыга онааштыр 18,7 чаш төртүтүнгөн, 2001 чылга деңгээрге, 16 хууга хөй. Россияның ортумак деңгелинден 2 катап көвей. Ындыг-даа болза чурттакчы чоннун аарып-аржыыры 2001 чылдан көвүдээнин Күрүне илеткелинде айыткан. Наркомания болгаш алколизм талазы-биле байдал эңне берге болуп турар. Чоннун хораары хөй болуп артпышаан. Озал-ондакка таварышкаш, арагдан хораннагаш өлүп турарларның саны көвүдөп орав.

Тываның чонунун кадыының байдалының дугайында Күрүне илеткелинге хамаарыштыр шээр аарыглар, туберкулез, наркомания эмнелгелеринин кол эмчилери, Чазак кежигүннери саналдарын бергеш, четпестерни эдеринин хемчеглеринге доктааганнар.

ТР-ниң Чазак Даргазынын бирги оралакчызынын — инновация, инвестиция политиказының болгаш даштыкы экономиктиг харылзаалар сайыдынын хүлээлгезин күүседип турар Александр Брокерт хуралды башкарып эрттирген.

Таан-оол ХЕРТЕК.

Хүндүлүг «Шынның» номчукчулары!

Тыва чоннун башкызы, сүмелекчизи, суртаалчызы, чарылбас өңүү «Шын» солунунун 2003 чылдың I-ги чартыында **ЧАГЫДЫЛГАЗЫ** март 1-ден июнь 30-ге чедир уламчылап турар.

Чагыдар өртектери: *хууда чагыдыкчыларга, чингелде чокка үш айда 120 рубль, пенсионерлерге — 103 рубль.*

Организацияларга — 158 рубль.

ЭКСПРЕСС чагыдылга-биле айның кайы-даа хүнүнден эгелеп солунну чагыдып ап болур.

Буураашкындан — чаартылгаже


ДЕТКИМЧЕ ХЕРЕК

Ыяш болбаа-зырадыр завод "Стройдеталь" күрүнеиниң каттышкан бүдүрүлгеге ооң ажылы-биле таныжар дээш чеде бердивис.

Хөлчок улуг бажыңга кире бээри-виске, ында янзы-бүрү дыка хөй станоктар бар болду. Бир станокта элээн каш аныяк ажылчыннар манзалар хаарылгалап турлар. Ук завод иштиниң дааш-шимээн деп чүвези аттыг болду. Даргалар, мастерлер олурар өрээл цехтин кыдыында болду. Аңаа бисти ук бүдүрүлгениң капитал-тудуг салбырының начальниги Владимир Александрович Козлов хүлээп алды.

Владимир Александровичниң биске дыңнатканын езугаар алырга, аңаа шаанда "Бажың тудар комбинат" деп улуг бүдүрүлге турган. Экономиктиг санда-раашкын чылдарында ук улуг бүдүрүлге буурап дүшкен. Ынчалза-даа

аңаа ажылдап турган кижилер бүдүрүлгениң техниктиг дериг-херекселдерин төтчөглеттирбес, оорлатпас дээш бүгү хемчеглерни алганнар. Шынап-ла, оон чаңгыс станок-даа читпээн. Бар техниканы, дериг-херекселдериниң шаа-биле дүшкен бүдүрүлгенин орунуга ыяш болбаа-зырадыр завод "Стройдеталь" ККБ-ни тургузуп алганнар. Ол-бо тыштынып тургаш, артык кезектерни тып ап, бар-ла турган станоктарны ажылдаар кылдыр септеп-селип, ыяш болбаа-зырадыр цехти ажыдып алганнар. Ам аңаа соңга, хаалга, эжик дээш, шупту-ла ыяштан бүдүрер чүүлдерни чазап кылып болур. Ынчалза-даа электри күжү дамчыдар шугумнар, дериг-херекселдер херек болганы-биле ук цех ам-даа долзу-биле ажылгалап кирбээн. Ол бүгүнү садып алып дээрге акша-хөрөңги чок. Ынчангаш ажылдап болур долу дериг-херекселдиг бүдүрүлгө



Чаа цехте.



Цех начальниги Л.Б.Лобанова.

анаа туруп берген. Чүгле ында-хаая чагыкчылар боттарынын дилер материалдары-биле кээр. Ыа оон ажылдап алган акшазы-биле чырык, чылыг өртээ төлеп, ажылчыннарынга аыш-чем садып алырынга бичиилеп үлөп бээр.

Ыяш болбаа-зырадыр цехтен аңгыда, бажың тудар цехти база ажылгалап кирип ажылдадып алырын планнап турарын Владимир Александрович онзалап демдегледи. Оон ынай ыяш кургадыр камера кылып алыры эргежок чугула. Ол бүгүнү бүрүнү-биле четчелеп тургузарынга 4 млн. рубль херек. ТР-ниң Чазаа чиг зыт ыяш материалдар садып алырынга 30 муң рубль-биле дузалаптар болза, бо бүдүрүлгө боду-ла бут кырынга туруп чоруй баарын ол онзалап демдегледи.

Амгы үеде ук бүдүрүлгөде, эрги-даа болза, ажылдап болур 32 станок бар. Олар колдуунда анаа турар. Ажылчыннарга ажыл төлеверинге бээр өре бажын ашкан.

Ук бүдүрүлгениң цех начальниги Л.Б.Лобанова-биле кады станоктарны барып көргүлөдөвис. Демги станокка ыяш хаарылгалап турган оолдар Эрес Чүлдүм, Саид Сат, Аяс Куулар, Чедер Ооржак ажылын доозупкан, дыштанып олурлар. Чагыгнын шаа-ла ол диштилер. Цех начальниги Л.Б.Лобанова-биле кылган ажылын көрүп чугаалаштылар-даа. Ниитизи-биле 30 ажыг станок материалдар манап, анаа турар болду. Ол хире долзу-биле ажылдап, чонга, күрүнеге ажыктыг үлө кылып болур бүдүрүлгенин материалдар чогу-биле анаа турарын көөрге, харааданчыг-ла чорду. Ынчангаш бо бүдүрүлгеге дуза көргүзеринин дугайында айтырыгны ТР-нин Чазаа билип, аңаа хамаарышкан хемчеглерни ала бээринге идегел улуг.

Борис ОНДАР.
В. БАЛЧЫЙ-ООЛДУН
тырттырган чуруктары.

